



PETIKAN AKHBAR

Kebenaran rentas negeri, daerah untuk imbangi keperluan ekonomi dan faktor kesihatan – Tengku Zafrul

PETIKAN AKHBAR | 09 DISEMBER 2020



KUALA LUMPUR, 9 Dis – Keputusan untuk membenarkan rentas negeri dan daerah di seluruh negara kecuali kawasan Perintah Kawalan Pergerakan Diperketatkan (PKPD) dibuat untuk mengimbangi antara keperluan untuk merencanakan aktiviti ekonomi dan keselamatan kesihatan.

Menteri Kewangan Tengku Datuk Seri Zafrul Abdul Aziz berkata keputusan itu juga dibuat setelah mempertimbangkan faktor ekonomi dan kesihatan rakyat.

"Namun kita semua diingatkan agar terus mematuhi Prosedur Operasi Standard (SOP).

"Walaupun saban hari terdapat beberapa berita yang baik mengenai vaksin, usaha membendung penularan wabak COVID-19 melalui langkah-langkah pencegahan perlulah berterusan dan kekal sebagai keutamaan pada masa ini," kata beliau.

Tengku Zafrul berkata demikian ketika membentangkan laporan ke-32 Unit Pelaksanaan & Koordinasi Stimulus Ekonomi Antara Agensi Nasional (LAKSANA) mengenai pelaksanaan Pakej Rangsangan Ekonomi Prihatin Rakyat (PRIHATIN), Pelan Jana Semula Ekonomi Negara (PENJANA) dan Pakej Rangsangan Ekonomi Kita Prihatin (KITA PRIHATIN) di sini hari ini.

Menteri Kanan (Kluster Keselamatan) Datuk Seri Ismail Sabri Yaakob baru-baru ini berkata kerajaan mengambil keputusan untuk membenarkan pergerakan rentas negeri dan daerah di seluruh negara tanpa kebenaran polis kecuali di kawasan PKPD.

Kelonggaran itu berkuat kuasa mulai Isnin, 7 Dis, 2020.

[Bernama](#)

 [Siaran Media](#)

 [Koleksi Ucapan](#)

 [Petikan Akhbar](#)

 [Foto](#)

 [Video](#)

 [Pengumuman](#)

POPULAR TAGS

- [BERNAMA](#)
- [HARGA MINYAK](#)
- [PRICE OF PETROLEUM](#)
- [TENGKU ZAFRUL](#)
- [BANTUAN PRIHATIN NASIONAL](#)
- [KWSP](#)
- [I-SINAR](#)
- [SINAR HARIAN](#)
- [JELAJAH BELANJAWAN 2021](#)
- [PRIHATIN MOF](#)
- [PERMAI](#)
- [BERITA HARIAN](#)